

第一六一冊

方輿彙編

職方典

永州府部

三十三卷
（卷）
三十三卷

古今圖書集成

中華書局影印

第一冊
第二冊
第三冊
第四冊
第五冊
第六冊
第七冊
第八冊
第九冊
第十冊

古今圖書集成

中華書局影印

欽定古今圖書集成方輿彙編職方典

第一千二百七十二卷目錄

永州府部彙考二

永州府山川考一

職方典第一千二百七十二卷

永州府部彙考二

永州府山川考一

本府 零陵縣 附郭

府縣志合載

高山 一名東山上有寺即古法華寺舊志云

山在郡內之東峯最高故以高名上凌青漢環

矚碧流近城名蹟舉目可得王元弼名勝記曰

山在城內之東角一名東山多林木皆百餘年

間物西北一石丈闊有泉如壑殊如雪又諸古

祇林俱傍山之崖巘高低前後布置亦復不偶

其山之石皆青色惜被苔蘚掩沒未得洗出人

跡往還自朝復暮雖晦明風雨不問也

輝山 在城內明萬曆三十一年游太守豎碑

以界之名民居焉王元弼名勝記云輝山之形

勢如天劈青巖其令人怡情處不能向筆墨上

道也在城之西傍有綠井民居之大爲樂業山

上多有峭石凌空如琢磨者然樹木花草亦極

繁盛靜對之似一幅董北苑得意山水也

萬石山 蔣本厚山水記云舊志稱萬石亭羣

石插天下矚湘流柳記亦云伐竹披輿輒側以

入縣谷跨谿皆大石林立今石平而水亦竭矣

王元弼名勝記云府治後即萬石山山多怪石

向有萬石亭在山之北角跨溪迴澗傍皆大石

若倚立然今已廢柳河東有萬石山記歐陽修

有詩皆有巨碑今亦不復存黃佳色記云山在

郡治後唐時崔公所啓屢有廢興相傳當日木

蒼蒼以古竹蕭蕭而瘦芭蕉綠映蘭蕙香浮繞

之以曲檻翼之以危亭入其中如歷洞天如坐

瓊室而今俱荒蕪矣

西山 易二接山水記云山自朝陽巖起至黃

茅嶺北長亙數里皆西山也山列如帶石如散

花以類相從有青壁有蒼磴有深洞疎林秀色

鬱蒸不已而雲生焉蒼流城郭翠拂樓臺皆西

坦然極深奧遊者往往難窮其勝田山王記云

由朝陽而西南過小岡見聚石巖巖遙布岡下

者即羣玉也遍山皆石石理皆白故以群玉名

山之下有巖曰德星有洞曰宅仙星言狀也仙

言事也舊多題識然盡在荆棘中矣

香零山 曹能始名勝志云香零山在城東五

里郡以此名地產香草其葉如羅香間數十步

唐世上貢郡人苦之刺史韋宙奏罷將本厚山

水記云山在瀟水中去城四里許方春流湯湯

如貼水芙蓉與波明滅至秋高水落亭亭孤峙

不可攀躋泊舟其下明月東來江水瑩白獨坐

攬袂覺草木皆有香氣王元弼名勝記云山中

所產草木當春皆有香氣襲人衣袂數日不散

山之左右前後皆瀟水水漲時山之客有若齒

苔之浮於水面似有隨波搖動狀天然形勢非

人力也山在城東去城止四里

陽和山 在南門外王真人修煉於此王元弼

名勝記曰在城南山如虹形草木經冬不枯是

以牛羊等物獨不上此山蓋以山在南向陽草

木故如此之茂相傳昔年有王真人修煉於此

向有丹臺今不復見

石角山 在城東北五里許連絡十餘小峯磊

落如畫石上多宋人題識王元弼名勝記云山

之形有起伏勢多異花奇草石如有意排列可

坐可臥兼多靈秀氣象昔年柳河東嘗來此山

畱詩於石宋人亦多題味俱勒於山之崖石年

久石長而字蹟俱埋沒於石骨內陳正誼記云

第一六一冊 之〇一葉

方輿彙編職方典第一千二百七十二卷永州府部

古八圖書集成

山以石角名石甚衆遠望之如澹烟如積霽近即之或林立或峭露皆石角也

芝山 蔣本厚山志云從柳侯祠西北行可

二里許即芝山也東面是膚西面是骨斷壁千尋下臨無際俯眺田疇髮髯是畫山頂一洞可坐十餘人入數十步稍暗復從東北出見瀟湘合流處又別一境王元弼名勝記云山之膚山之骨皆東西向斷壁千尺下臨如垂虹然登最高頂粵之黃花諸山勝槩咸歷歷在目頂上一洞深淺不可量其中前人題詠最富惜剝蝕無一存者由山之南去一仄徑下一庵名牛坡庵之前後左右多修竹瘦藤黃佳色記云芝山佳處不在遊而在望由絕崖西下直至平田田間有溪溪上有橋橋上東望壁立千尺橫互百丈如落霞散綺彩色非常

石城山 在城西河三里許易三接山水記云

其石如林可數十畝中空而外方有如城然城外怪石累疊無徑可通從石入內則生樹草而貯煙雲不虛此城也王元弼名勝記云按山之脉如城然又多怪石異花似無徑可通從石上行徐徐入內卻如自城外入城中草木繁盛烟雲依稀大約十畝其間景物不可盡述

小石城山 易三接山水記云在黃茅嶺之北

雲煙護之蓬蒿沒之其中可隱也睥睨梁欐之形類智者所設施王元弼名勝記云此山與石城山相似其境界差小故以是名草木雲烟經時變幻殆不可以筆墨記其美也黃佳色記云

山之結構甚巧外望之峰峰繡列煥披芙蓉入其中一團清氣遠絕塵俗又別一天地也

福田山 在東北五十里山與黃溪相近崖壁

峭絕中有孤峯聳起十餘丈俗名阿育王塔王元弼名勝記曰懸崖峭壁勢拔凌天中有孤峯巋然突立高不可丈尺計下有清泉名如意土人云阿育塔下有清泉泉水不涸如泓然大家小戶齊來汲應知此泉通山川田山玉記云即黃溪之外山也西列屏障東關福田登巔以望見白雲青霽時浮平疇瀟瀟洄洄若織繡然昔子厚遊黃溪往來於此皆醉心處也

嶽山 在城南二十里孤峯秀出以踰衆山故

名易三接山水記曰其峰插天翠色特遠見峰者先見其翠濯以瀟水之波照以淡山之月味以名人之詩可以振衣千仞

鴉山 王元弼名勝記曰去城南五十里山多

異石極空明如太湖石然望之如鴉登之若人工布置穿鑿有致步步得所即一草一木生有別景陳正誼記云危峰萬點如鴉每斜陽欲沒時明滅天際如飛如墜殆不可狀上有茅庵在山深處廚烟寫影佛鼓流聲皆非人間所有

歸山 王元弼名勝記曰城東北四十里有山

突立即名歸山零之山皆有相對狀獨此山無匹有獨鶴冲天勢山間所產惟古木弱藤其石上苔蘚皆綠色拾之成片類碧雲草然更產忘憂草土人每至春信摘之曬乾以拱茶具此出道州山記其他產未暇殫述也

戴花山 在城西南五十里田山玉記曰山麓橫互百餘里一峰特立羣岡俯伏樹木蒼鬱中圍一石相傳宋末有將軍爲神於此遠望若簪花然故以名里人歲時薦之下有谿水名芙蓉

江一匯於賢水一匯於梅谿

末山 王元弼名勝記曰山在城南百餘里末

水出於山下今末州名本此山容迢遞萬水爭榮有崖有谷有怪石有峭壁有懸巖有深穴有蛟室白沙青泥相間於道黃柚蒼松恆產於此民居之山田無水旱之患水匯於瀟由北而復回由南而復繞水之勢與山之境有同一體

焦山 王元弼名勝記曰昔帝舜南巡會宿茲

山山在城西北拒一百餘里山之幽勝多林木有二巖相峙山之前皆巨石後皆土產細石白色擊之有聲左有崖崖下有泉名未詳泉水清甜產於僻地深可惜也

雲莊山 去城四十餘里在進賢山蔣本厚山

水記云亂石盡起都作雲態大若奔雷小亦潑墨皆有乘風欲起之意其下空洞瀟水傍有一池積水出流可溉萬畝

船橋山 王元弼名勝記曰山去城百里其形

似船故以之名山上多孤崖峭壁日照時影挂天半花草咸依崖壁隨風斜正春殘落紅滿地游蜂粉蝶高低戲舞交秋楓葉最茂似花落殘春紅黃鋪徑惜在僻處人跡罕至

陽明山 王元弼名勝記曰山在黃溪之尾離

城百里嘉靖間有僧秀峰焚修於山間今爲秀

峰道場山多峭石花木固其所產也山向陽故以是名山根皆露土鮮故也

鷄冠山 王元弼名勝記曰山在瀟水西從愚

溪入四五里許有石如鷄冠土人以其形似呼為鷄冠山山多石或排列或橫或直或上或下其勢每不一其色或不齊相雜間之細草繁花

松竹成圍即善繪者亦難描寫其勝山腹一庵庵前後俱巨石色白而有紋庵左一泉流水倒瀉聲若狂風怒嘯水之色如雪其冷冽氣即六月猶寒陳正誼記云山之幽者莫如鷄冠以其

近溪也蒼松茂竹著處叢生隔溪望烟影渡溪聞鐘磬聲始知其中有庵庵傍數石危立即鷄冠也石之古溪之折林之遶庵之清美皆不可多得今林凋庵毀獨鷄冠悵立溪上耳

零虛山 在朝陽巖上太守丁茂儒有記連山 去城西南四十五里黃文元有記

末秀山 去城南五十里有庵名德興琥珀山 去城南七十里

大溪山 去城東五十五里由小木源曲折以進翠色漸深其上有庵三棟閣敞峻整規制精潔近山采名勝者常遊之

金牛嶺 在城東南二十里田山玉記云晉咸和七年桓元見老人乘青牛至零陵涇溪牛飲水入江不出因此得名今人皆曰金牛嶺但涇與金音相似恐後人誤以金為涇亦未可知也然涇溪舊志所不載余因是而補入其嶺祥峰面面皆石骨瀟水繞其下凡數折而出之陳正

誼記云嶺峰甚銳左右低昂若筆架然上有真仙觀道人賀麗陽居之會於觀前為小樓開牕坐望以收瀟川之色麗陽係郡人潔身隱處不汚世塵時郡鎮彭公建七日醮強麗陽主醮事醮畢即往遊茅山孤身獨去不知所終

馬鞍嶺 王元弼名勝記云去嶺三十里半為猺峒樂業所嶺際游雲終日不散嶺左一里有水流成壑未知水之何自嶺上多細石草木花鳥與人家烟火相間而出嶺下皆田畝農夫耕耘時俱賴嶺之水以栽種

石門嶺 曹能始名勝志云在縣東五十里上有石門雙起如城壁又有石樓開鈴羊時往來其間王元弼名勝記云嶺依天表衆峰峙拔石門崛起如城門外皆松杉大可數圍門以內未能窺探為門半掩故也嶺西一巨石如樓憑高天半山間麋鹿往往來戲於此

丫髻嶺 王元弼名勝記曰嶺去城五十里迴寧遠縣路嶺容如髻故名嶺上皆石草樹少有嶺下湖田景肥嶺西一壩一巨石如斧削可容數十人至嶺之高難以數量也

黃蘗嶺 王元弼名勝記云嶺距城一百二十里在東南角中有峒名黃蘗峒皆獵獐所居地也嶺高數十丈嶺半有村人咸耕種山田為活嶺之路或低或高闊仄不一入度此嶺恆有難陟意樹木叢茂細草夾道浮雲與嶺相接續嶺西有僧舍晨夕磬聲與流水相映響黃佳色記云嶺在猺鄉高巖絕整參差繡錯而篠家散住其間終身樂業頗無水旱之患

鳴水嶺 在縣南百里瀑布飛泉聲聞數里故名王元弼名勝記云嶺在東南去零一百二十里嶺上出藤條可作杖有紋如花朵或似飛禽或有山水圖畫藤雖多然亦不易得也嶺頭一水噴萬丈迴流嶺之左右上下鳴聲聞數里外嶺下望之如雪積然

黃龍嶺 王元弼名勝記曰在城北二百里外唐順宗朝申煉師居此嶺多林木有黃龍觀在嶺外即昔年煉師所居地也嶺產白石多如鷄子大有色如玉者在昔有之今不可得矣

五星嶺 王元弼名勝記云在邑南四十餘里嶺有谷有溪有井井最深溪亦坳谷亦爽瑋蔣氏曰曰零陵山水惟東南最勝東南山水又五星嶺最高嶺極險峻嶺中樹木巨石花香鳥語谷鳴泉響無不各盡其勝瀟水遠來與嶺相排宕嶺之奇嶺之秀嶺之靈蓋不可以盡之

黃華嶺 王元弼名勝記曰嶺去城百里外為楚粵分界之所上有紫雲庵屬零陵西去即屬全州地湘水繞其下青嶂平天懸崖立地望之如翠屏然黃華之名未詳何所指

華嚴巖 王元弼名勝記曰巖在城東山郡學後遊人最多故題詠甚富惜遠處無崖谷林泉點綴平如掌今人往往忽之田山玉記云亂草叢中一石獨起蒼涼之色對之令人意消石上題詠頗多今亭榭無存冷烟一片

朝陽巖 在瀟江之湄巖有洞水入於瀟唐元

結以其地高東向遂名朝陽一名流香巖門高懸斜出以收江色元公榮蒞閣於此銘曰蒼蒼半山如在水上柳柳州詩云巖上無心雲相逐此銘與詩曲盡此巖之神洞名流香流香字亦奇石淙原原自羣玉山伏流出巖腹色如雪聲如琴氣如蘭蕙冬夏不涸黃山谷云時有白雲出洞洞門左右石壁形如半環昔人作釣臺嵌半環中架以木鑿亂石以枕之去水只數尺如浮一筏於水面路公漢畦作亭於巖上凭闌縱望遠出百里外水清沙白雲渺山蒼後有祠以祀唐宋謫官巖之後名青蓮峽丁公觀峯所名也峽後石斑駁如花稜稜如浪丁公名為捲潮峯作石亭於中顏曰芙蓉競秀曹能始名勝志云巖在縣南三山下臨瀟江舊經云唐守獨孤恤實必俱有創建元結次山以地高而東其門故以朝陽為名今所刊記猶在巖下有澗水自洞中出流入湘江亭臺凡十六所唐朱名賢題誄皆鑲於石黃魯直遊朝陽洞徘徊水濱久之有白雲出洞中散漫洞口咫尺不相見乃為詩陳正誼記云朝陽亂石挿空巨碣結頂穿巖下徑人在急湍危壁之間可謂幽絕矣巖以東向得名止一隅耳若登巖之上東環城郭西帶青蓮峽捲潮峰諸蹟南望遠山如列翠屏瀟水又從翠屏中百折而來凡山色水色洲汀草樹烟嵐真令登覽者意念皆空上有寓賢祠祀元黃蘇蔡輩凡十位

柳巖 曹能始名勝志云巖在愚溪之右以柳

司馬所嘗遊也久失所在宋零陵宰王淮搜得之荒谷中仍為之記蔣本厚山水記云由柳祠西行里許荒蕪黃茅間一巖突出如怒猊然柳侯所嘗遊也故名亦因之巖可容數十人巖靜而深石瘦而古柳侯有字蹟皆剝落不能辨芝山巖 王元弼名勝記曰即芝山也上有石大如屋宇可坐數人白而潔不草無苔蘚若有雨過苔痕洗濯明淨意甚可怡人也

火星巖 在羣玉山側太守唐瑤更其名曰德星巖田山玉有記王元弼名勝記曰巖在朝陽洞上衆石森立時有白雲依之終日不散

澹山巖 王淮記云巖去城二十五里許山有二門壁立萬仞東南角有一石竅遙矚雲日昔傳有澹姓者家其下故名舊經云有周正實者秦始皇時人遷居於此凡未來之事皆能先知始皇三召不起後尸解焉易三接山水記云澹山巖唐以前猶未見是以不入元柳詩文至宋黃山谷始題識之今山谷詩與巖爭秀洞中一石寬數丈若烟雲簇簇珠玉瑟瑟者然洞外一石石下構一佛寺上鐫覺皇臺三字曹能始名勝志曰澹巖間有蘭巖人不知其所以而時聞蘭香今為亂石所掩求之不可得然搜石披草雲起時香若馥馥欲來王昭之神境記云蘭巖山路阻險絕無人跡有石如雙白鵲翔集其上暗巖去澹巖三里乘炬而入其中廣袤可容萬人宋鄒道鄉謫道州經此巖有老蟬化為靈狐作人言語老僧曰明日鄒公至當往迎之僧如其

言而迎之果鄒公也鄒有詩田山玉記云澹山高峙半天翠環數里每有雲氣起其間竹樹岡巒蒼白一片中露巖扉坦步可入至東南角上一竅忽開天光下注見巖中怪石累疊或橫如几或立如屏溜乳如珠濺霏如玉窗目皆有異態元柳好奇而失之乃顯於宋以後

高巖 蔣本厚山水記云丹崖南行五里至高巖山體純骨而無寸膚廣袤里許峻石獐犴畏人山頂亂石林列參差起伏莫可名狀巖昂如猊張吻寬可容數百人深不可測傍有一穴復通一巖峭壁懸崖不可攀矚上有一石广似澹巖之覺皇臺復得一小洞傍又一洞相連如雙環篠竹密布炎日如失夏月王元弼名勝記曰巖在丹崖南五里純骨無土多峻石列巖頂有舞立狀樵牧不能至巖容似猊張吻可容數百人傍有穴復通一巖巖前峭壁懸崖咸時天未巖之景難以筆墨盡之

新巖 王元弼名勝記曰在東門三里外巖孤峙巖下流泉成湖四壁皆峭石皆蘚蘚花每一朵紅白相間大如菊在秋冬有之惜不香耳新巖之名未詳黃佳色記云由袁家渴沂流而上即新巖巖臨瀟水與朝陽相彷彿然朝陽敞新巖僻朝陽光豁百里新巖幽隱一潭

四仙巖 在西南龍慶里田山玉記云由梅谿西行四十里突起一峰圍可二里許人行俯矚約四五十丈半壁皆石嵌空玲瓏古木壽藤莫可名狀下有二潭一潭澄靜而幽一潭澎湃怒

號瀑布直下莫測其所往由潭而北則爲洞宏敞可坐千人由洞而東有石井在石隙中一泓清碧甘冽可飲傍有石門可容身以入上至懸崖間則爲石樓樓亦可坐數十人几案榻燈皆天然石物也土人相傳宋元間有四人修煉於此因以得名焉

福仙巖 王元弼名勝記云去城西四十里巖之勝樹木花石各具態度或似獸或似飛禽或似雲霧狀總不一上有臺可坐數人臺之四面俱石壁遊人翰墨皆刻於巖左田山玉記云山聯石錯湖南之常若奇幻精出則茲巖所獨也雲點山容月浸石骨一花一木各有幽致

東巖 曹能始名勝志曰在治東子城外其下有清流激湍世傳牧守流觴於此

丹崖 在城南四十里石色如丹易三接山水記云一名赤石澗元次山有銘唐翁家於此自號曰丹崖翁次山時時與翁遊喜翁之隱於丹崖而丹崖之能隱翁也有宿丹崖宅詩

梅谷 王元弼名勝記云在城北里許谷口有梅谷二字未詳何人書昔年有梅花萬樹今惜無谷之前後皆巨石如人工排列然

小隱洞 王元弼名勝記云洞在石角山最深邃洞上有羣石攢立日光照耀時如羣玉之在淵洞後一峯斜挂又若仙掌凌空狀洞在峯下遠望之不見也小隱之名或爲是歟

紅玉洞 王元弼名勝記曰洞在城南四十里外洞上有松杉數株排列如畫更有高低數峯

參差其間洞內有石竈石磬石級石臺石研相傳昔年何仙姑修真於此紅玉名未詳

梅谿洞 在城西南四十餘里源出戴花山遠逸曲折匯於愚溪以入瀟水三吾田龍愛其勝攜家隱於此王元弼名勝記曰洞之源自戴花起至愚溪入瀟水極曲折洞中有巨石橫倒擊之有聲若磐然田龍有記蓋洞之得名自田始

四時花木不乏春天更覺怡人

承平洞 王元弼名勝記云去城南百里洞勢高懸孤峯特立有水橫流不知何自秋來蘆花與羣花相間一望如雪更有疎林密竹相傍於洞之左右故洞雖處亂山中亦可娛目也陳正

諒記云萬山環聳中衍平田又有小溪澹澗隨田左右傍山村落皆植花卉於竹扉茅屋間映帶如畫至於秋冬之際果熟禾登家家香杭美酒綠橋黃橙彼此往來親睦可愛

龍洞 王元弼名勝記曰洞去城六十里昔有一木從洞中流出於石岸上人見之浮於水易

日視之復在洞口如是者數次木如神形土人祀之至早年迎木禱雨輒應龍洞之名蓋因之黃佳色記云洞有四十八源在在可觀或桐花

開處望若遠雲或楓葉丹時疑如落霞

東丘 王元弼名勝記曰即漢蔣琬之東丘書院是也在城之太平寺內丘聚石而成上多林木書院在焉有東丘碑記題詠最多

東有記書於丘石雖小別有情趣也

化石 王元弼名勝記云在城南八十里石如人形相傳淮陽王兵敗被追至此遂化爲石

雲莊石 按府志去城四十里在進賢鄉瀟水 蔣本厚山水記云出九疑三分石自夏陽至寧遠城下過大洋出青口入於瀧又一支出江華一支出末明一支出應溪俱匯春陵城

下北流過青口以入於瀧自此則皆瀟水矣經瀧泊則末水匯焉流百餘里而合湘水

湘水 蔣本厚山水記云湘水與瀧水分流出始安陽海山過零陵北合瀟水出衡陽者曰蒸

湘出武陵者曰沅湘三湘惟瀟湘之名最著

賢水 王元弼名勝記云在城南六十里出進賢鄉故以賢水名水出衆山之中極清冽旱歲不涸與永水相合復入瀟水水出山間疑山有巨泉此亦未見於書難詳也陳正誼記云進賢

之南有二洞西曰太閤洞東曰龍洞二水合而賢水名焉當其合處有巖崛起橫數千尺高十餘丈下有居民數十家倚巖枕水籬落宛然循

賢水而下約三十里田疇千頃煙火一鄉民淳俗樸擇居者多托處焉

永水 在城南百里曹能始名勝志云永水源出永山流入湘賈子記云郡南去湘水八里北去瀟水三十步匯於城下後漢太守陳球以郡下溼築土城不便乃編木爲城以居之至建安十年吳孫權遣呂蒙攻零陵零陵太守郝普守城不下則是時已有城矣距郡北二里有呂蒙

城乃蒙所築與普相拒者

遙水 王元朔名勝記云在城南八十里水清

見底冬月產白魚美似鮠愈小愈佳其源本自

遙山之泉晝夜流之不涸

義水 在城南源出白水嶺流梓江入瀟水

瀟水 易三接山水記曰瀟水急下衆灘疊奔

湧波逐流凌空飛舞水愈激石愈波舟行波流

中欲沒還起元次山詩所云上瀧船似欲升天

下瀧船似入深淵者也

桴江 蔣本厚山水記曰由丹崖沿江東上則

桴江也水出白水嶺逶迤曲折行七十里匯於

瀟水幽窈奇奧不減黃溪山中多美樹野人採

伐爲桴故名以桴傳陳正誼記云桴江深處遠

絕世塵人入其中如歷蓬島每見飛鷺橫烟浮

鷗浴瀨山陂野鹿嬾遊人蹤當與退谷杯湖同

其幽異有僧慧果建蓮因寺於江口

愚溪 在城西河愚丘愚泉愚溝愚池愚堂愚

亭愚島並愚溪而爲八是爲八愚王元朔名勝

記曰即柳河東八愚之一舊名冉溪愚溪之名

自河東始溪上舊有亭溪西有巨石溪流直接

鉞鉞潭當年河東第一賞心處愚溪之勝未可

以盡述也陳正誼記云愚溪徹底皆石小舟入

處篙聲錚錚舊時花木交織維於招提樓閣中

曲曲折折一步一態今不如舊矣然橋橫野色

石臥寒雲雨島晴巒月潭雪徑溪之隱德猶存

柳侯居溪上十年而詩文大進竟與退之齊名

其得力全在於此

黃溪 王元朔名勝記云去城東七十里溪廣

百里溪山靈秀多石路曲折環繞時仄時闊高

下不齊多異境至溪東林木層疊森立如城池

雖炎夏而清涼襲人有如入玉壺中不知暑之

已至也溪西有水從溪山流出入溪東南恆有

水雲雜出亦零陵佳勝地也柳河東有記黃佳

色記云黃溪兩山峙翠一水流碧路度千峰勢

開萬象大抵一丘一壑位置天然山露春暉溪

延秋影林藏夏翠巖巖吐冬花柳記云黃溪最善

讀者可以意得之矣

高溪 在城北九十里沿江有二十四磯潮舟

甚艱昔有唐叟居其下操舟獨釣幾三十年人

贈之金帛即施之衆楊誠齋先生建高風亭於

其上曹能始名勝志曰宋乾德初有唐叟者世

居溪上一旦厭諠雜登舟而去往來乘釣伏臘

暫歸受子孫謁見如此者三十年

都溪 在縣境水出舂陵西有五邑山山各有

一溪五水皆會故名

涇溪 在城南二十里金牛嶺下昔桓元乘青

牛於此處

蒲溪 在城南五十里五星嶺下

蘭溪 在琥珀山下城南七十里沿溪皆蘭

香聞數里故名

鉞鉞潭 蔣本厚山水記曰今所記在柳侯祠

前者非是柳記云鉞鉞潭在西山西又云得西

山後八日尋山口西北道二百步又得鉞鉞潭

今潭在柳祠前數步豈柳記所云云耶大抵愚

溪之妙愈入愈奇橋後一帶居民瀝浸寧有佳

趣耶田山玉記云柳侯祠前有鑄鉞鉞潭三字

於溪石上者蔣本厚辨其非予嘗與友人同遊

求其是者而不可得即得亦不敢信也

小石潭 按府志在小丘西百步許

醴泉 在舊天庾觀味甘若醴今止存其名

瑞蓮池 曹能始名勝志曰晉時產蓮並蒂蓮於

此已廢爲總鋪宋陶弼有詩

南池 曹能始名勝志曰在城東南池當南山

之缺設自神功無庸工鑿隨山周旋可容巨艦

柳宗元有陪崔使君宴南池序

墨池 在城東郭里許易三接山水記云陳眉

公誤以零陵墨池在衡山城外不知懷素自叙

爲零人築庵於此種蕉萬樹學書名庵曰綠天

流墨有池池水皆墨藏筆有塚覆以石塔今者

山無庵蕉無綠池無墨筆無塚而塔頂斷殘尚

伏叢莽中煙雲冷艸樹荒不見醉僧一字矣王

元朔名勝記曰昔僧懷素築綠天庵種蕉爲學

書地傍有墨池筆塚塚上有塔今庵與池及塚

俱伏叢莽中不復存惟塔尚存亦斷殘矣近有

僧名寂輝者從遠方來築一室於綠天之舊址

郡丞劉作霖題匾曰古綠天庵今徐龍章復築

亭於塔上予有懷素塔銘綠天庵贊

東湖 曹能始名勝志云在東山之西唐刺史

李衡稱美棠堂於上宋以范忠宣寓居於此因

建有思范堂熙寧間蒲宗孟奉使荆南與朱思

平等來遊題名明宗人占之今復入官

石簞灘 曹能始名勝志云在城北四十里其

石皆片段聯綴如簞筏相傳秦始皇造橋海上

有異人乘簞往助始皇死遂棄去又十里爲石

馬灘湘水中有石如馬狀王元弼名勝記曰灘

勢濤洄灘水下石皆如削成若經春水漲舟楫

往來始無戒心灘兩岸皆山望之似崖

垂幔灘 曹能始名勝志云在城西南枕湘江

之岸峭壁倚空遙望若帷幔狀其上有留香洞

泉自石竇噴出飛瀑如練不假疏鑿自成曲水

之狀遊者時聞香氣馥烈故名王元弼名勝記

云灘枕瀟水兩岸巨石參天望之若幃幔列於

山前翠屏開於水面故以垂幔名灘之水環旋

無定觸石成濤乘舟一過真若天上坐陳正誼

記云邇瀟流而南愈折愈幽至垂幔而瀟之勝

耳漾於湘波香靄中白蓮黃葉點綴其間瀟之

幽益其幽幽之野助其野矣杜詩云虛無只少

對瀟湘於此可會其意云

浮洲 王元弼名勝記曰即瀟湘合瀟處有瀟

湘祠在焉洲上竹木花卉無一不有經春望之

洲容若雲髻然洲之西更有一大石碑倒於地

因無字名無字碑其來未知何自黃佳色記云

湘流於左瀟合於右浮洲於中洲上舊多古樹

煙拖楊柳兩亞芙蓉春媚秋媚尤爲特勝舊志

云洲之西一大碑臥於其側相傳自湘水浮出

一民見之遂止於是有司禁採故得完好瀟湘

神祠原在浮洲上有司以春水汎濫難於涉遷

之東岸至今秋水澄碧尚見甬道也

蒲洲 王元弼名勝記曰去城東六里許居瀟

低散布水中西岸復有高峯峯色蔭石石色蔭

水而渴之勝特備

百家灘 在城南里許田山王記曰灘上怪石

歷落嘉木復層層蔭之予嘗愛其幽與友人飲

於此見一泓寒碧其容如練洋洋之妙真可樂

飢近暮村鴉帶日江樹生雲放舟破浪從煙靄

中行景色尤不可狀瀟中之勝無以踰此

司馬塘 在北關外柳司馬嘗遊此故名因之

父老相傳有關學校蓄水深則文運盛蓄水淺

則文運否上官立有禁約許蓄魚不許植菱藕

以致水淺亦嘉惠學校之盛意也

湮塘 王元弼名勝記云塘在東北百餘里其

深不可測相傳昔年有民得一鰻魚將烹而食

一老人相告曰爾勿烹此鰻不可食此即湘江

石渠 在袁家渴西柳宗元有記

石澗 曹能始名勝志云石澗在渠西北其水

之大倍渠之三互石爲底達於兩岸水平布其

上流若織紋黃佳色紀云澗之石較渠更密水

之闊亦倍之娟潔觀美有自然之質

南澗 失其地無考柳子厚有詩

白蘋洲 王元弼名勝記云在城西瀟水之中

洲長數十丈洲上植綠柳萬株有春雨欲來煙

凝天半景狀洲前水橫流如峽即瀟湘二水合

流之所相傳昔年產白蘋最盛若玉盡之浮沉

於水面故以白蘋名陳正誼記云白蘋一片洲

耳漾於湘波香靄中白蓮黃葉點綴其間瀟之

幽益其幽幽之野助其野矣杜詩云虛無只少

對瀟湘於此可會其意云

浮洲 王元弼名勝記曰即瀟湘合瀟處有瀟

湘祠在焉洲上竹木花卉無一不有經春望之

洲容若雲髻然洲之西更有一大石碑倒於地

因無字名無字碑其來未知何自黃佳色記云

湘流於左瀟合於右浮洲於中洲上舊多古樹

煙拖楊柳兩亞芙蓉春媚秋媚尤爲特勝舊志

云洲之西一大碑臥於其側相傳自湘水浮出

一民見之遂止於是有司禁採故得完好瀟湘

神祠原在浮洲上有司以春水汎濫難於涉遷

之東岸至今秋水澄碧尚見甬道也

蒲洲 王元弼名勝記曰去城東六里許居瀟

水之涯洲若弓形上多修竹花木綠艸洲之南

昔年曾長蒲相傳有九節者高數丈秋來蒲葉

盡脫有如桐幹初凋尚多青色可愛柳河東恆

登石磯望洲之景洲之勝可想見矣

袁家渴 王元弼名勝記云渴在西南衆山森

列處渴即石渴下清流如練渴上白雲綠樹更

有重洲淺渚相助渴容昔柳河東云舟行若窮

忽又無際已曲盡渴之勝矣田山王記云瀟水

多折每折必有曲岸危石以東之水與石遇欲

順反逆楚人言水之反流者爲渴也而袁家渴

之石獨異蓋水勢怒走衆小石小石無所逃迫

而聚爲一大石朝潮夕湃漸久漸堅歷百千年

而渴中之山出焉其狀斑駁其色蒼古或高或

低散布水中西岸復有高峯峯色蔭石石色蔭

水而渴之勝特備

百家灘 在城南里許田山王記曰灘上怪石

歷落嘉木復層層蔭之予嘗愛其幽與友人飲

於此見一泓寒碧其容如練洋洋之妙真可樂

飢近暮村鴉帶日江樹生雲放舟破浪從煙靄

中行景色尤不可狀瀟中之勝無以踰此

司馬塘 在北關外柳司馬嘗遊此故名因之

父老相傳有關學校蓄水深則文運盛蓄水淺

則文運否上官立有禁約許蓄魚不許植菱藕

以致水淺亦嘉惠學校之盛意也

湮塘 王元弼名勝記云塘在東北百餘里其

深不可測相傳昔年有民得一鰻魚將烹而食

一老人相告曰爾勿烹此鰻不可食此即湘江

之龍也民不聽將操刃即風雨四起鰻遂不見

一時村民皆陷湮塘之名自此始

鐵鑪步 在城北郭柳宗元有記

紫巖井 在文昌宮前宋魏公張浚號紫巖移

居永州因濬得名

智泉井 在梯雲坊

呂虎井 王元弼名勝記云在末寧寺前井水

清澄至早不涸相傳呂蒙取荊州時挿劍於地

忽湧泉今名呂虎井蓋謂呂有力如虎也

撒珠井 在東岡山下

春泉井 在登賢坊

朝京井 在朝京坊內

揚清井 在激濁揚清坊同知徐濬浚

方輿彙編職方典第一千二百七十二卷永州府部

發珍井 在郡治內太守唐瑤有詩

惠愛井 王元弼名勝記曰井在縣治前水極

清冽相傳水脈通江水遠近之民賴之惠愛之

名未知始自何人

祁陽縣

祁山 在縣北十五里數峯拔起平疇間首矚

湘流尾蟠迴瀝環祁諸山四望如一紫青綠白

與天爲際昔構道觀其上有牡丹仙種每年三

月三日放花作淺紅深紫通白三色或云遇科

試年開白花者數其花以占得傳名數

龍山 在縣城內文廟後縣龍分派列成高岡

一岡爲甘泉寺基一岡爲學基嶂連中峯最爲

疎傑左右潺湲前匯爲陂自明末拓城界山脈

鑿損邇來科名不替若多由此改卜縣治之左

未見秀麗過於此者今與生儒創復舊基煥然

新之文運與地脈咸蒸蒸丕變矣

小東山 在縣治東二里與龍山相接茂林修

竹邑人陳斗築書屋於此

排城山 在縣西七里里甯母魏太宜人墓狀

元黎公淳碑銘

三台山 在縣東北十五里三峰秀出江水迴

注其右爲邑下關上有觀

掛榜山 在縣東北三十里山形若張榜然有

一榜二榜三榜之號與白鶴山排連

白鶴山 在縣東北三十里嶧嶂齊雲岑壑幽

蔚相傳楚白公奔避於此元孫改姓屈名處靜

煉丹於絕頂跨鶴仙去境竈存焉

熊巖山 在縣北三十里半壁峻峭未監司嚴

起恆爲關其上屏障一邑由客星度回鷹峯而

至者少憩焉有郵舍暨大士閣關帝祠

雲頭山 在縣東北四十里重巒複嶺綿亙百

里篁竹幽青觸石出雲亭亭如蓋行者望邑上

游廣疇細水明如江江水如一縷白云

馬鞍山 在縣東四十里邵陵之山馳入祁境

互數百十里至湘江而止狀若羈具故名

大寶山 在縣東四十里與祁山爲伯仲中一

流曲紆凡十餘渡行者勞於揭厲山腹有路如

蜿蜒透梅溪青岡之支徑

石榴仙山 在縣西北四十里亭然中立高五

千餘丈峰頂有真武祠有禱輒應又作新庵多

高士隱跡邑人盧鼎養靜於此施田二十畝於

新庵劉孝廉惟贊亦隱其下

香爐山 在縣東六十里山青未了岳望欲來

千螺萬黛中一峰如紫蓋上爲亭紫觀

烏符山 在縣北六十里宋逸士蔣華居紫霄

觀呂白二僊時來訪之白玉蟾書鎮蛟符高妙

淳古莫測其運筆起止之端純陽有詩

白水山 在縣東六十里九疑之麓出三支水

至白水市合流湘江雙嶺插天夾峙東而爲溝

曰紫羅峽永郡之下關也左嶺有白泥塘方三

四尺泥白如粉相傳何仙姑洗粉於茲

苦竹山 在縣東百里山多苦竹

七星山 在縣東北八十里有七峰即七姑嶺

玉盤山 在縣東八十里馬江埠下有金蘭寺

石燕山 在縣西北九十里水經注云其山有

石紺色而狀類燕因以名山其石或大或小及

雷風相薄則石燕羣飛顛頽如真矣羅君章云

今燕不復飛也湘水繞其東有餘谿水東北注

之煙江之源所出

石門山 在縣東北九十里高巖夾立如城甕

一水湧波激石聲勢壯猛人語不聞峻坂危棧

相延百數里峭壁上合仰天一線又行可十里

許石橋橫渡亂流匯瀉淙然一潭森沉不可測

過此古木高松鐵幹虬龍漸入衡境矣幽人題

味甚多一名峽山有似三峽也

排山 在縣東北百里盤壁成城橫岡如界建

驛於此爲衡祁之衝要

杏湖山 在縣西北一百一十里頂有真武觀

山高風烈覆用鐵瓦

四望山 在縣西南一百二十里山勢最高俯

視一切登峰而望羣山盡崢嶸也上有四明寺

唐時王孫桂留桂仲隱此修禪

包山 在縣東北昔有包姓者居其下故名

白竹山 在縣治大江南五里

七姑嶺 即七星山祁衡交界處中有鯉魚山

雲頭嶺 即在雲頭山上

杏湖嶺 即在杏湖山上

騰雲嶺 相傳唐時一煉師每夜半至城買豆

漿鳴鐘時輒遣後弟子不鳴鐘師從雲端墮於

黃岡鋪道旁一冢然田中有碑至今存

竹嶺 在縣東六十里山產篠竹蒼翠無間深

林密徑人在終陰蕭瑟中梵明魚響遍於山壑往往龕庵於石广間俗稱小南岳

東崖 在縣南五里浯溪之東按元公刻銘崖在晤臺西面唐亭之東崖下可行可坐與石門

石屏相對亦猶宮羽之相資也

棲真巖 在縣北三十里山陰王國楨題爲棲真洞天高敞可容數百人巖頂有竅透漏天日

過石門有石田九區牀枕藥爐茶竈皆石所爲旁出一泉零告每應

隱仙巖 在縣東北四十里林樾溝墜之間高聳一小洞巖乳滴瀝皆成地肺神工刻劃物狀

逼真但少綠泉從石隙奔出耳明盧鼎吉買田三畝以充常住

靈巖 在縣東北六十里山連竹嶺皆積石疊成上有靈巖觀觀右有石室廣數楹清泉伏流

自石洞溢出其水淳泓十餘里入青江

洞賓巖 在縣東五十里中虛可納百人深入約三里許古遺石神像一堂不知置自何代

雷澤洞 在縣西七里岡蒼崖峭壁巖石玲瓏奇怪萬狀源泉伏流冬溫夏清掬飲甘芳氣如

蕙蘭

風雲洞 在縣北五里

福巖洞 在縣北十里

梅花洞 在縣東三里許鎮祁樓下臨大江邑人鄧球讀易其中

東岡 在馬家埠區木塘東

窠尊石 在晤臺絕頂

鑊石 石方數丈許黑光如玉嵌浯溪巖上以溪水拭之隔岸山樹行人畢照

瀟湘水 與離水同源分流始安縣陽海山過零陵縣北至湘口與瀟水合水經注湘水東

北逕祁陽縣南瀟水出九疑自夏陽至寧遠過大洋出清口入瀧又一支出江華一支出未明

一支出濂溪俱匯舂陵城下北流過清口以入瀧至此則皆瀟水矣經瀧泊則未水會焉流百

餘里而合湘水

涇江水 在縣北八十里發源梅塘泉出如鉞珠深黑如潑疑自涇江橋至雙江口會而東流

由沙灘至縣東新橋入湘

祁江水 羅含湘中記載十五水皆流入於湘祁水其一也源自寶慶界餘溪徑田橋銀杏

渡東北流九十里出縣北飛虹橋南會瀟湘復折而東水經注云餘谿出邵陵縣東北流入於

湘其水濁然惟積雨後山水湍漲則然亦非盡濁也但視瀟湘藍少遜耳

三江水 在白水巡司上五里有二小江一出寧遠石梨樹下紫泉源至九牛嘴一出寧遠大

竹源叙江至黃家渡二水會爲兩江口一出零陵黃溪至雒川里大忠橋會二水爲三江口合

流入湘江

白江水 在縣東六十里自寧遠界而來上合黃溪流至白水市入大江清微可愛故名

青江水 在縣東百里源有七泉東流至歸陽與白河江合

白河水 在縣東一百里源出馬江埠黃龍町大泉陂至歸陽市兩江口會清江水合流入於湘但青江水綠白河水白如涇渭兩分爲異耳

獅子汛 在縣南一里湘江側巨石如獅崖伏見齒沿崖盤石如有銜狀古識云獅子銜礎出

狀元成化庚子水泛汛口經兩月始退沙聚如毯時姚江王華講學於此明年廷對果魁天下

亦見其兆也按汛當作洩伏流也郭璞賦云迅洩增澆湧湍疊躍其險不減呂梁焉

人字灘 在縣南三里

柘洲灘 在縣南一里

蔣瀨灘 在縣南十五里石險可畏按爾雅沙石上曰瀨亦曰湍曰灘

獅子汛灘 在縣西南一里

姑洲灘 在縣東一里

瀝浙灘 在縣東十四里水中石如笋尖

鳳凰灘 在縣東二十里石伏水中如翼水激而怒稱鳳凰以善其名

瀝澗灘 在縣東三十里水石如削一石展如鵝翅險甚往往舟過人心凜栗因改名觀音灘

東岸有水府晏公祠

三門灘 在縣東三十八里江中危石峙起如門

圓鼓灘 在三門灘下

馬口灘 在縣東四十里有山名馬鞍嶺

黃魚口灘 在縣東四十五里水最高急

茅箭灘 在縣東六十里石險水怒甚礙行舟
紫羅峽灘 在縣東六十里白水峽山其灘底
土紫故名紫羅

西洲灘 在縣東七十里石險峻
渣浪灘 在縣東八十里相傳潭底有巨鐘一
巨鍋一有時而鳴鍋鳴則旱鐘鳴則雨

石板灘 在渣浪灘下十里
歸陽灘 在縣東一百里

九洲灘 在縣東一百二十里灘長十里最險
有九灘中一灘稍大

洋瀨灘 在縣東一百五十里
白沙洲 在縣東二里湘江傍

落蘋洲 在縣東一百三十里湘水中
麻洲 在縣東一百三十里按水中可居者曰

洲祁邑洲之居湘水中者惟落蘋與麻洲爲然
然望之但白茅蒙茸而已

河洲 在縣東一百八十里湘江北岸素稱文
鄉非洲也

龜潭 在縣東二里湘江北岸海水灣之下深
沉不可測層巖峭削盤石浮水面如龜每晚晴

日照倒景金光騰躍昔人刻龜潭二字於崖
浯溪 在縣南五里流入湘江唐元結自道州

歸愛其水石因家焉作大唐中興頌顏真卿過
而書之刻於崖上

梅溪 在縣東北六十里源出竹嶺巖洞石泉
競流行折二十餘里至建新入湘江

梅塘 在縣北七十里其水冬夏一氣寒涼偃

人會湘江東注

橫塘 在縣東三十里岸闊潮平渟藍蓄黛是
爲上下橫塘

舒塘 在縣東一百二十里江灘迅激至此而
舒溢流森潄水與天碧接爾雅築土遏水曰塘

若橫塘舒塘江平似塘耳非塘也
湖池 在縣南

望岡池 在縣北六十里有古觀居絕頂池可
半畝許清泉常溢雖旱亢不涸盛夏菱荷滿池

紅蓮環映昔有道士掘地得古鐵釜可盛數斗
有文云望岡奉天觀了了可辨

甘泉 在治北一里其水上出甘芳清冽色深
靛隨波隨滿湖南第一泉也鄒浩有銘

溫泉 在縣東北和平鄉其水冬溫可浴
寒泉 在縣西南湘江岸平陽江口有水出石

穴當暑大寒元結有銘
沙井 在縣治東北甘泉門內清冽不涸

龍家井 在縣城南後街今湮
施家井 在縣治小東江飛虹橋畔有施姓者

甃石成井故名
壽井 在縣治東迎恩門內

龍井 在縣西南八十里井出山頂寬二里許
不溢不涸祈雨者絕而測之百餘丈不能至底

桂井 去縣治一里出松山下清而甘有桂蔭
其上故名

義井 去縣治一里在大路傍
東安縣

文壁山 在縣西南二里許山形特異上復森
列小山炯然星纒奎壁之象正當學宮前

唐帽山 在縣北一里許圓山之上突高一峯
宛若唐帽

社山 在縣南一里許下有古廟鄉民春秋二
社祀之

高山 在縣北一里許半山有古刹爲遊客停
驂之所

伏虎山 在縣東南六里山勢曲折巖壑幽異
形如伏虎山頂有寺寺後有亭康熙六年建

象鼻山 在縣東儀狀奇詭修鼻肖象故名
龍山 在縣境內山下泉湧常見龍形故名

赤石山 在縣西五里山中石皆赤色
刀擺山 在縣東五十里削壁倚空昔有樵者

見仙女在下轉盼間刀柄擺墮石罅間故名
金鳳山 在縣西三十里列嶂蒼蒼如鳳冲霄

絕頂有天寧寺
八十四山 在縣北百五十里山根迤邐不斷

四十餘里蘆洪水源出焉周旋曲折若九迴之
腸人經此山者凡八十四步因以名之

元陂山 在縣北一百里上有石壁立如屏題
曰自然屏

三門山 在縣北一百一十里
石壁山 在縣西北巖巖湧沸霖雨輒應

黃華山 寰宇記云有獵者於此見二鹿俄有
人問云見二馬否答曰但見二鹿其人云是吾

二馬也

蛾眉山 在縣東北六十里山形陡絕巒嶂錯陳若萬馬騰空而降山頂流泉可溉田數十畝半山之陽有蛾眉觀

解豸山 在縣東北百七十里山形聳拔翠峯陡起前昂後跌屹然獨異巉石參差懸崖百丈中竅似口儼若解豸

高霞山 在縣東北百八十里數峯天外抱若連屏根總數十餘里絕頂有神仙丹竈之具雲霞山 與高霞連峙上有雲霞觀

鳳凰山 在縣東九十里山形幽峻如鳳翺翔康熙年間禪僧破有建

觀音山 卽觀音坪在縣西十里奇石森列內一石突起高可二丈餘巖前之石酷肖大士跌蓮座上又前一石酷似香爐土人因之而呼曰觀音坪去左十餘丈石山中忽開一窩寬廣約數十丈建有刹刹左有木浮屠後有一洞深廣丈餘諸竅玲瓏可容數人而洞前一石絕類孔雀卽名曰孔雀洞每於春日和藹綠苔鋪觀於石上有如米顛濃墨潑山頭時也

東山 在縣北二十五里地名清井曲徑迂廻四圍崇巒峻峭中落平曠全州司馬黃世忠建有報國寺

五峯巖 在縣西高山之左巖石巉異如布河圖之位昔人建閣於上多宋時詩刻相傳有孔明字跡古閣今廢

幽巖 在縣西高山之上石背嶙峋下折而入爲洞者九中敞下坦其奇勝不可言狀遊者諱

觀不忍釋去
獅子巖 在縣東巖內深廣可以宴集
豹虎巖 在縣北四十五里

嘯巖 在縣西北三十五里內閣下坦分榻燕坐可容千人中有石田石門諸怪狀

龍巖 在縣西十五里
赤石巖 在縣西十里

石乳巖 在縣西三十五里中有石垂流如乳蛾眉巖 在縣東二十五里內有混沌窩頂有蓮花池外有飛仙臺

仙人巖 在縣西二十餘里一洞約五里有奇席地燕坐可容萬餘人內有二塚前有石柱世傳柱上有石盆仙人嘗浴於上人莫敢取

九龍巖 在縣北百里山形斗立奇石錯陳洞中物象畢具昔有樵者遇黃衣九人謂曰吾九龍居此久矣語訖忽不見宋治平四年元公自未倅往邵嘗攜家遊此

顯聖巖 在縣東二十里坦平頓起高崖壁立中通以閣下復二竅五峯星拱湘水環邊縉紳登遊者稱奇觀焉

朱陵巖 與獅子巖相對中有三洞第一洞內左有石如盆右有石如碓第三洞有穴如月金字嶺 在縣西四十里其脈根於武岡層巒疊嶂高接蒼冥歲旱邑人視其巖之雲以爲雨候下有舜廟又名舜峯

獅子嶺 在縣東三十里狀若獅子因名
湖口嶺 去縣二十五里有泉清冽大旱不竭

石牛嶺 在縣北百一十里有石如牛故名
白鶴嶺 在縣東三十里湘江口

蛾峰嶺 在縣西五里
鐵口嶺 在縣東十里

石礦嶺 在縣東二十里
金紫嶺 在縣北一百里祁陽界

雷霹嶺 在縣西北五十里新寧縣界上下各八里雷霹處有庚申二字

諸葛嶺 在縣南半里許相傳武侯嘗駐兵於此壁壘之蹟猶存

鬪牛嶺 在縣南兩山競聳如牛鬪之狀
清溪江 源出舜峰萬山間奔汨東注合衆水如支依幹經縣城南遶東北四十里入湘水

蘆洪江 在縣東北一百里源出清化下鄉瀝迴於蘆洪流入零陵高溪江口入湘水
白牙江 在縣東二十里源出龍溪沂流而下百步許附清溪入湘水

湘江 發源於廣西之興安至全州柳浦入東安境北流達零陵合瀟水

宥江 在縣東北源出黃泥峒入清溪江
石期江 在縣東四十里源出零陵開善鄉東流入湘水

東溪江 在縣西三十里源出雷霹嶺分流三十里合清溪江

夏豐江 在縣西北三十里源出嘯巖南注三十里合清溪江

龍合江 在縣北一百里源出黃石祠斷崖千

丈飛瀑從空而下潏廻南注經身山至龍合附

三溪水入蘆洪委折而東合高溪入大江

清水江 在縣西三十里源從石洞流出

南江 在縣北七十里流合蘆洪江

西江 在縣東北八十里流入蘆洪江

湘口泉 去縣二十五里水自石罅出味甚佳

岫泉井 在縣北一百三十里盛暑不竭

常思泉 在縣北一百六十里味甘冽人常思之故名

定田井 在縣西二十五里源出衆山連通五

竅凝流蓮花峯下可溉田萬計

小泉 在金鳳山下清冽不涸陰田五百餘畝

城內井 一在南街左一在南街右一在守鎮

所前一在上公館前一在丁家巷前獨上公館

井清冽四時不竭士民均汲之

碗口井 在縣東龍口八里許

相思井 在縣北一百八十里

欽定古今圖書集成方輿彙編職方典

第一千二百七十三卷目錄

永州府部彙考三

永州府山川考二



職方典第一千二百七十三卷

永州府部彙考三

永州府山川考二

府縣志合載

道州

元山 在學後以唐狀元李邵宋吳必達樂雷

發皆狀元故名洪武間建樓於山麓曰狀元樓

嘉靖丁酉顧璘按臨視學命刻元石二字蓋又

以元公爲重或謂不若元山之雅也改今名

斌山 在治北石峯奇塊上有石刻曰斌山下

有池曰龍泓有石井曰丹井其頂曰駕鶴峰相

傳爲江夏馮京隨父任道州讀書其下人爭傳

爲馮家斌山而明時指揮洪達者宅其東偏攘

爲私地又遂冒稱洪家斌山然今皆茂草矣

鴈塔山 在州東北拱宜山前臨瀟水

擔山 在州東五里山有二皆石崖俯臨江水

二石似擔故名又俗云扁擔洲

虞山 在學西帝舜南巡蒼梧曾經駐蹕唐刺

史元結立舜廟於此今廢

玉城山 在州治東廣濟倉之下

馬蹄山 在州東北二十五里山石上有仙人

足跡及驢馬跡舊名馬蹄山

宜山 在州北十五里屹然雄峙爲一邑之鎮

山麓有巨石壁立俗呼爲聖人石上有宜山神

廟凡艱於嗣息者禱之輒應

木壘山 在州北五十里山勢峻拔石磴懸絕

與騎者皆不得縱馳至瀧泊鋪始就平焉

麻山 在州北八十里兩崖對峙石壁千仞麻

之灘走其下聲如雷吼州之北戶此爲絕險舊

置麻灘驛路之西偏有公館一所以便官府往

來住宿俱久廢

龍跡山 在州北四十里即古有庫之墟

營道山 在州西北五十里接永州白水山始

名營陽又曰南營又曰弘道狀如蟠龍又曰龍

山天寶六年改今名

白鷄山 在州西北六十里山極險峻與全州

灌陽諸山相聯絡舊有鄰寇乃設兵以守號白

雞營向係末衛軍屯守今廢

毛岡山 在州西十八里其下有泉池可溉田

民利賴焉

安定山 在州西十五里土名安心寨山石壁

上刻道山二字瀝溪出其下周子實生於此州

守王公作瀝溪故里圖著圖說

平正山 在州西三十里舊名太平山唐天寶

六年改今名

營山 在州西四十里層巒綿互實爲州之西

屏其中峯最高鄉人呼爲春陵山與全州灌陽

連界按唐武德四年置營州明年改爲南營州

即在山下今小坪村有南營州故址

魚壘山 在州西五十里山極深阻旁有大江

源潘家源西連灌陽南通富賀山苗常出沒於

其間設固西營以守之今廢

荷山 在州西五里舊有禪林亦名禪林山上

有石臺今俗呼爲何山臺是也

荆山 在州南三十里俗名丫髻嶺山下有碑

井石獸相傳爲蜀丞相蔣琬墓今考其子斌復

鍾會書有云葬涪陵此恐誤

萬壽山 在州西四十五里上有石刻萬壽山

三大字

銀山 在州南二十五里山極高峻與宜山對

峙如竇主

蔣居山 在州東南四十里地名四眼橋山極

險阻亦名大夫嶺聯絡九嶷蒼梧之墟其深阻

不可窮盡往時土寇據爲淵藪故設立滴水靖

邊洪塘過塘中軍五營以統之令千百戶一員

防守今悉廢止原立徭官應故事而已

大還山 在州西三十里相傳昔有羽士燒煉

其中丹成而去故名舊有觀今廢

龍母山 在州西四十里月巖之西山有龍母

祠歲早禱之多應

白石壁山 在蔣居鄉石壁峭立望之如屏其

色瑩白可愛土人竟以白石壁呼其地

五老山 在州西北五里山下有泉名五龍井

刺史陽公城左降時有春陵五老迎至襄陽公與之縑帛問其所居則曰在城西北五里至郡訪焉惟有五龍井縑帛猶在立廟時貞元十九年也大觀四年賜號崇應政和中封侯爵明嘉靖間州守禱雨至山下因以爲名

南山 在州治南山之上故有白雲亭元次山有白雲亭詩

瀟山 去州二十五里山下有泉亦名瀟川

壘山 在西北五十里舊名永山唐天寶六年改今名

月巖 在州西四十里舊名穿巖明嘉靖甲辰州守王會磨崖刻之曰太極洞著有圖說萬曆時張喬松改名太極巖辛丑州守錢達名曰鴻濛一窠

斑竹巖 在州南五十里多斑竹相傳舜葬九疑二妃相從故跡唐劉長卿有詩

中郎巖 在州北四十里進賢鄉石洞幽邃內有泉出自石罅冷冷不竭石崖層磴若斷削者沿磴而上如升樓閣內有中郎祠俗傳爲漢張

騫經此或云唐末時人張姓者故稱今各未郡太守黃焯往遊之謂茲巖之勝與含輝月巖不相上下萬曆間州守錢達道以巖中有石柱八又名八柱巖

華巖 在州西八里兩巖對峙一明一暗方檢討題曰玉霞紫帽刻之巖石李太博修祀濂溪過焉建亭洞口額曰藏舟州守錢達道改名明者爲華陽巖暗者爲華陰巖

含暉巖 在州南四里石洞如屋東西兩門內有泉出從石罅激漱有聲劉禹錫記云薛君景晦得異境有石室穹然如夏屋因名之曰含暉宋紹興己卯向子恣改爲金華巖巖中之泉亦名金華泉治平乙未周元公通判末州歸展親墓與鄰人井其一二子同遊刻名巖石今字跡猶存焉明嘉靖丙戌州守葉文浩構亭巖上刻曰魚躍鸞飛

雲石 在學後上閣下細輪菌飛騰望之儼如雲焉堪輿家每以爲士人登雲之驗

五如石 在夏津門外左如旋龍右如驚鴻前如飲虎後如怒龜坐於石巔如乘靈樑元次山序泮泉之陽得怪石焉左右前後及登石巔皆相似故名之曰五如石建亭於此

洞樽石 在泮泉之陽石有雙目一目命爲洞樽可貯酒

維舟石 在城西三里開元觀西江岸叢石中初寮王履道謫居於此每乘舟遊憩必維舟其下使人磨崖書刻初寮維舟石

石魚石 元次山石魚湖記云濂泉南有獨石在水中狀如遊魚凹處修之可以貯酒

濂溪 在州西元公故居安定山下溪泉是也南軒祠堂記云濂溪里名也先生家世其間及寓於他鄉而不忘其所自故亦以是名溪今江州廬山下亦有濂溪名蓋指此也

左溪 在下津門外源出九井東流與沱水合亦不時潮沒或曰當其年潮沒必有顯者

右溪 在下津門外元次山名之有遊右溪勸學詩薛伯高卽其旁建學

坦溪 在州北宜陽鄉灌田數十頃大旱之歲水反溢若大澇則水更清

管水 出營山流六十里至州西與沱水合經宜陽鄉與舜源水瀦水合轉注單江至府入湘

泡水 去州八十里東北流五十里與沱水合

龍遙水 在州西北四十里出遙山南流二十里與宜水合流入瀧

瀧水 在州西北南流百里至州北與沱水合下沱水 在州西北七十里出上沱山西流十里與上沱水合入沱水

庫灘 在宜陽鄉從州治東行沿江而下四十里地名江村建有庫亭廟祀象神舟行至此至漫潭便謂之入瀧勢極險惡春夏水漲則漕運可通亦能爲舟害宋嘉定間太守林致祥捐俸命石工沿瀧鑿山開道自庫亭達之雷石行者遇險則舍舟趨陸去州治八里有麻灘流灘

大家灘三處絕險其灘之名大略有四

五龍井 在州北五里五侯祠在其上

白魯井 在州西一里地名楊樂田宋處士歐陽六有書堂在旁刻詩石上

洞井 在五如石間有雙目一目命爲洞井與七勝泉通

石井 在東臺寺前深二丈環石實其上以通汲日供二三百斛不竭郡人黃公磐石護之

南園井 在小蓬萊之下係州判衙今廢

崖井 在州治雙桂堂後以上二井宋嘉熙戊戌太守張燿以石欄護之今廢

蕭公井 舊在貢院之右即清冷泉今廢

奉家井 一名九井在州北一里有五井其下相通或以爲有水怪俗呼五女井昔有五女在井浣紗見有綵繪在五女競取俱沒故名

七泉 在州治東北曰惠泉訪泉眞泉惠泉淳泉漫泉東泉狀類七井其五井相連屬二井稍離脈亦相聯皆元公結所題有記有銘又周子恭有記

七勝泉 在五如石間元次山云石有竇中湧泉勝於七泉故名

金華泉 在含暉巖中向于念所命名也如意泉 在天慶觀之前數步

知時泉

在望德門內數步少折而南泉在焉夏至則盈秋分則涸故名後人鑿石爲龍以導其流紹興中太守辛公創亭扁之今廢

聖脈泉

在元公故里州守方進刻石上曰聖脈泉以元公故也

甘露泉

在麻灘西五里有泉出石罅間如一絲涓涓不絕行人飲而甘之州守張安慶刻於石壁曰僊巖甘露錢達道曰菩提一滴

東池 一名浴星池在宅生堂後即瑞蓮池

西池 在常平倉前即衛西龍眼塘

愛蓮池 在濂溪書院北即周子觀蓮故處每夏秋之交香風習習綠淨紅芳不啻西湖之十里矣朱文公有詩

放生池 在州南因江爲之今於廢鐵作池 按府志在東池之畔一名浴星池寧遠縣

九疑山 在縣南六十里亦曰蒼梧山虞帝南巡實崩於此至今有帝陵在焉攷漢志注九疑在營道南漢紀注應劭曰舜葬蒼梧九疑晉郭璞曰其山九谿皆相似或云九峰參差互相隱映望而疑之故名九疑各有一水四水同注南海一水北注洞庭眞天下名山也騷人墨客多留題焉漢司馬子長足跡亦嘗到此其自序云

嶂山 一曰萬歲山在麓林南其上有藏院今基猶存有仙洞山巔地平可望舜峰

北灌山 卽羅郁所隱也

鰲頭山 在縣南三里三峰挺秀儒學向之天門山 在縣南直上千餘丈望之如天門

寶蓋山 去縣三十里諸山皆連互此山特立每雪餘詠景者謂寶峰雪霽

香爐山 在縣南十里頂平如印又云金印山

天柱山 在縣北九十里形如柱立

春陵山 在縣東七十里五山相接秀拔不羣有春水在焉

太平山 在縣北一百里山頂有寺

虎山 在縣南五里山臨水潄狀類伏虎登覽境內山水一目可盡

西山 在縣北五十里仁澤水出焉

鶴鳴山 在縣西南三十里當大陽溪之下流

淹口山 在縣南有巖一竇當淹水之衝

五指山 在淹口之南五山相連如指故名俗又呼爲五臣山

石門山 去縣四十里其形盤踞有門可通白石山 在縣東北延袤十餘里崖壁皆白

鳳梧山 在縣北八十里上有岡名舞高下有石風雨餘觀之五彩爛然

大富山 在縣北俗呼爲黃馬山邑之主山也

羊權山 在舜祠南羊僊觀後因羊權僊去遂以得名

鳳山 在虎山之上其形如鳳故名

蔣山 在縣西三里其形如帽一方之鎮也

明月山 在縣東南四十里

卦山 在縣南十里兩山對立形如畫卦故名

木華山 在仁澤鄉潁江

白面山 在縣北二十里有羅仙祠

黃連山 在縣北二十里其山多黃連木

大谷山 去縣二十五里叢峰聯嶠不可名狀

峻嶺山 在縣西十五里其山陡峻特甚

太和山 在縣南南林寺後

維山 在縣西南三十里其山多古松

追涼山 在縣東北七十里

陽和山 在西鄉近零陵之界

黑山 在縣西南三十里有寨址下有巖谷

武崇山 在縣北八十里有古觀遺址

龜山 在畱田去縣九十里有古廟多靈異

末樂山 在縣南二十里山上有泉庵曰金泉

麗袍山 在縣北一百二十里相傳有神人曬